

GENESE.

OKONO I.

1. Eni pani LAPU mikio pani ma'au uriria karikinave. U LAPU mikio monou, lapu é peo.

2. U na noi JEHOVA iure. U é eni pani ai pokoinave, a'a peo, pani ma'au peo.

3. JEHOVA inamu oinave pamea uakeia peo, u pamea umu li'inave, pamea anenave akaene.

4. JEHOVA inamu oinave pamea iure ima mikio ; u pamea, muru mo koronave. U kurunave, pamea na noi LARE iure ; muru na noi KIPERE iure.

5. JEHOVA pani mukua umu li'inave, uku ere mukua'i, ere arau ai mo korona.

6. U pani mokono ai karikinave, moa kurunave, iure mukua'i na noi PANI MUKUA ; iure arau ai na noi MIRI.

7. U ere aura moko monou âukunave, ere aiara mo u na moko é âukunave.

8. JEHOVA umu li'inave, miri iri é é, pei mo veina ; u iri uriria karikinave.

9. JEHOVA kurunave, nai pamea é é pani

mukua'i umu liai, uku LARE mo, KIPERE mo korona. U LARE, IA mo, NOPU mo, karikinave.

10. U kurunave, lare na pamea LARE iure; kipere na pamea, IA mo; NOPU mo: oro pani ma'au mikio pamea âukuna.

11. JEHOVA kurunave, Ere aura mo, aiara mo aruku rokona miai; iure ima mikio. Nava ovarā, nava mau, aruku rokona é é mo u karikinave; aruku rokona uriria ere ai anenave.

12. JEHOVA kurunave, MIRI mo u na aruku rokona uriria veiai; auri, oroko mo, naku mo, aruku rokona uriria anenave.

13. JEHOVA u na aruku rokona uriria inamu oinave, u ima li'inave; u kurunave, Ieire, Imau!

OKONO II.

1. JEHOVA umu li'inave a'a karikina, u kurunave; nai a'a karikiai na avaea mikirio.

2. U miri mi'inave, a'a miri e karikinave akaene, JEHOVA u na ivakumu a'a na pina'i lainave, maura a'a rokoanave.

3. JEHOVA a'a iure kurunave, Eire! ni noi ADAMU iure, uku ni'i a'a pina'i; nai ni

aruku uriria âukuai, ni aruku iure. Iri mo, nava mo, maku mo, pei mo ; aruku rokona mo aruku é, ni aruku iure.

4. Pani ma'au na aruku ni'i iai li'ine, uku iru pani ai aruku uriria na amua vaki ni'i iure.

5. JEHOVA inamu oinave aruku uriria u karikinave, u kurunave ; Nai ima mikio uku aruku uriria ima, lipi peo.

6. Lare 6 JEHOVA pani ma'au karikinave, maura, lare 7 iure, u kurunave ; Nai pa'avai.

7. Lare 7 iure JEHOVA pa'anave, u kurunave ; Eire ! lare omorope ieire, nai pa'avai akaene, uku nai pani ma'au, aruku uriria mo karikinave. Oaio !

8. ADAMU na pai'iri EDENA iure, pai'iri ima mikio ; pei uriria uakeia : auri, nava mo, pu mo, iri uru é é, JEHOVA aruku uriria ADAMU âukunave.

9. Maura JEHOVA lari'inave, uku ADAMU a'e mi' inave peo. U kurunave, Nai a'e kari-ki'ai ADAMU âukuna.

10. ADAMU âuâu unuko mikio, moa JEHOVA ADAMU na akane na'aro monou mi'inave, a'e akane na'aro karikina. JEHOVA a'e karikinave, u ADAMU âukunave.

11. ADAMU la'anave, u a'e iure inamu oinave, u kurunave, Eire! na a'e iure, uku u na na'aro na na'aro, u na oi na oi mo.

12. ADAMU a'e iure kurunave, Ni noi HEVA, uku ni'i a'a e anenave. Iru pani ai pani ma'au a'a omo mekai, me mo aveai omo a'e mikio pirina.

OKONO III.

1. ADAMU, HEVA, EDENA pai'iri ai pokoinave, orere ima li'inave; uku pai'iri ima mikio, pei uriria uakeia.

2. Lare monou HEVA aura ai are rokonave, diabolo paiko erauno mikirio HEVA ai anenave; u kurunave; HEVA e, omoro mikio ieire, JEHOVA norere âukinave, aura na iri uru aveana?

3. HEVA kurunave; Peo! Eire! JEHOVA na omoro ieire; U kurunave, enei iri uru uriria navai, iri monou é aura mokono ai enei pa navai.

4. U na mupu ieire, Iri monou iure norere pa navai, avene, norere navai iru pani ai norere imuai.

5. Diabolo HEVA âukinave, Arauau! no-

rere nane, nai omoro mikio, norere imuai peo. JEHOVA iri uru iure mupu pirinave, uku norere iru pani ai naievera miai peo.

6. HEVA diabololo na omoro mirinave, u iri uru iure aūnave, na'anave akaene, iri uru ADAMU aūkunave akaene.

7. Maura orere ipa li'inave, orere na evera lipi; orere JEHOVA na mupu oanave. Orere LAPU kore li'inave, uku orere u na omoro mirinave peo.

8. Pukurua'i iure JEHOVA EDENA ai anenave, u ADAMU naenave, ADAMU e, ni'i, ekei'ana?

9. ADAMU, a'e mo avare ai paukinave, uku orere irikaiva li'inave, kapua peo, orere LAPU kore li'inave akaene.

10. ADAMU JEHOVA aūkinave, LAPU mikio e; enei ni omoro mirinave, kore akaene, uku enei irikaiva liai.

11. JEHOVA kurunave, Eire! norere mupu iri na uru nana? Orere aūkinave; enei na'anave, uku diabololo paiko mikirio ene aūkinave, Imau! enei nana.

12. JEHOVA iaia li'inave, ADAMU, u na a'e mo EDENA pai'iri iki ai lavinave, uku orere u na mupu mirinave peo.

13. Maura HEVA ukua morere kininave,
ukua pina'i na noi KAINO iure, ukua é na noi
ABELA iure.

PRINTED FOR THE NAMAU DISTRICT NEW GUINEA
COMMITTEE OF THE LONDON MISSIONARY SOCIETY

—
1902